

DIA INTERNACIONAL DI AIRE LIMPI PA CIELO BLAUW: E DI SEIS BIAHA CU NACIONAN UNI TA OBSERVA E DIA AKI



WWW.SOLODIPUEBLO.COM



SOLODIPUEBLO@GMAIL.COM

MEP TA EXIGI UN POSICION FORMAL DI PARLAMENTO RIBA RIJKSWET HOFA



RIJKSWET HOFA TA UN MENASA PA NOS DEMOCRACIA



DESPUES DI 3 SIMAN INTENSIVO, E HOBENNAN DI SVT A TOPA CU NAN MAYORNAN



Awo cu 2 florin mas, bo por gana e **MEGA PLUS**

* Afl.

1.725.000,-

* Afl. 1.125.000,- + Afl. 600.000,-
extra

Benta ta sera 7:30 pm y sorteo ta hunga 7:45 pm



HUNGA AWO



DIA INTERNACIONAL DI AIRE LIMPI PA CIELO BLAUW: E DI SEIS BIAHA CU NACIONNAN UNI TA OBSERVA E DIA AKI

ORANJESTAD - Celebra bou di e tema "bataya pa aire limpi" (Racing for air), e di seis Dia Internacional di Aire Limpi pa Cielo Blauw ta pone enfasis riba e necesidad pa acelera solucionnan pa brinda aire limpi pa tur hende door di accion colectivo.

E campaña di e aña aki ta conecta aire limpi cu tema di deporte, rendimiento y resistencia uzando e palabra bataya cu ta referi na un competencia of careda fuerte. Polucion di aire ta e di dos factor principal di riesgo di morto mundial. E ta causa mas of menos 8.1 miyon morto prematuro pa aña asocia cu malesa manera stroke, malesa di curason, cancer di pulmon y infeccion respiratorio agudo.


E Asamblea General di Nacionnan Uni a asigna dia 7 di september como Dia Internacional Di Aire Limpi pa Cielo Blauw na 2019. E resolucion di e Asamblea General di Nacionnan Uni ta enfatisa e importancia y necesidad urgente pa conscientisa publico na tur nivel. Pa asina promove y facilita accionnan pa mehora calidad di aire. Directie Natuur en Milieu (DNM) ta uni na e parti di conscientisacion di e topico pa asina Aruba ta informa di e efectonan cu calidad di aire tin pa salud di hende y bestia. Na Aruba casi tur dia nos ta disfruta di e cielo blauw pero hopi biaha nos no sa di e contaminacion cu por ta existi den e aire.

Aki tin algun berdad asocia cu calidad di aire manera publica riba e pagina di Nacionann Uni cu ta conecta cu e dia observa aki. Nos prome contacto cu mundo ora nos nace ta aire, oxigeno. Nos ta inhala aire 12 biaha pa minuut.

Aire ta mantene nos na bida of por causa nos morto. 99% di hende na mundo ta respira aire contamina. Polucion di aire ta e riesgo mas grandi pa salud ambiental di nos tempo. Polucion den aire ta acelera cambio climatico, ta causa perdida economico y ta reduci productividad di agricultura. Polucion di aire no tin frontera, p'esey nos tur tin e responsabilidad pa proteha nos atmosfera y garantisa calidad di aire saludabel pa tur. Pa medio di colaboracion nos por reduci contaminacion di aire door di inverti hunto cu recurso y esfuerzo. Riba e Dia Internacional di Aire Limpi pa Cielo Blauw, nos ta haci un yamada na tur hende pa uni na e bataya pa solucion. Nos ta competi pa aire limpi. Combatiendo contaminacion di aire na un manera proactivo, nos por logra transforma y garantisa aire limpi y saludabel pa tur.

Tin hopi fuente di contaminacion di aire, manera kimamento di fosil fuel y biomasa, esakinan ta contribui na emision di gasnan cu ta causa keintamento di nos planeta. Manera cambio di clima, contaminacion di aire ta afecta tur hende, pero ta afecta mas: mayoria hende na estado, baby, mucha, hende grandi, hende cu ta biba den pobreza y comunidannan historicamente marginalisa. E estadisticanan por yuda nos compronde e magnitud di e problema:

- 99% di tin mundo ta hala aire contamina aden;
- Na 2021, polucion di aire tawata e causa di 8.1 miyon morto, di cual mas cu 90% asocia cu malesa no transmitibel;
- Mas cu 700.000 morto di muchanan bou di cinco aña debi na polucion di aire.



- Por perde mita cultivo mundial pa via di aire contamina pa 2050.
 - Ta calcula cu contaminacion di aire ta costa economia mundial un perdida di 8.1 biyon pa aña, equivalente na 6.1% di e GDP mundial pa motibo di e aumento di costo di cuidio medico.
- E Agenda 2030 pa Desaroyo Sostenibel (SDG) ta enfatisa y urgi reducion di contaminacion di aire

pa por alcanza e metanan proponi. E meta ta garantisa un ambiente limpi, saludabel y sostenibel crucial pa derechonnan humano y bienestar general. Uni na e Bataya pa Aire Limpi, pa acelera solucionnan pa garantisa aire limpi pa tur. Ban uni na e observacion di Dia Internacional Di Aire Limpi pa Cielo Blauw compartiendo bo accion riba e rednan social uzando hashtags #Cleanairday

Clasificados

SOLODIPUEBLO@GMAIL.COM

CEL. 585 9500

MEP TA EXIGI UN POSICION FORMAL DI PARLAMENTO RIBA RIJKSWEET HOFA

Fraccion di Movimiento Electoral di Pueblo (MEP) a dirigi un peticion na Presidente di Parlamento di Aruba pa tuma un posicion formal tocante manera cu gobierno a trata e proceso rond di rijkswet Houdbare Overheidsfinanciën Aruba (HOFA).

Segun MEP, ta inaceptabel cu Parlamento, como organo mas halto den nos pais, no a wordo

informa y no por a tuma parti den e proceso aki. E manera di actua aki ta pone Parlamento completamente na banda y ta mina nos democracia parlamentario.

Ademas, MEP ta indica cu e manera cu gobierno a actua ta un violacion directo di e acuerdo cu a wordo firma durante Interparlementair Koninkrijksoverleg (IPKO) na 2022,



unda transparencia y participacion parlamentario a wordo poni como base (consensus).

MEP ta haci un yamada urgente na Presidente di Parlamento pa Parlamento fiha un posicion formal, prome cu e reunionnan di IPKO na september.

Asina so e delegacion di Aruba por participa cu legitimidad y papia na nomber di pueblo.

Parlamentario Hendrik Tevreden:

RIJKSWEET HOFA TA UN MENASA PA NOS DEMOCRACIA

– Gobierno kier presenta rijkswet HOFA manera un paso logico despues di acuerdo cu Hulanda. Pero realidad ta cu Parlamento, e organo mas halto cu ta representa pueblo, e voz oficial di pueblo, a wordo buta un banda den e proceso.

Proceso pa robes

Den nos sistema constitucional e proceso ta cla: prome ta Parlamento, despues Gobierno di Reino. Aki a pasa pa robes. Gobierno a compromete su mes cu Hulanda prome, y despues a bin duna su Parlamento un copia. Den esaki, Eman ta manda e señal bon cla cu e tin un stempelparlement. Gobierno kier pa Parlamento bira nada mas cu un stempel cu ta haci

y ratifica loke a wordo dicidi entre nan. Esaki ta un violacion di nos democracia.

Bestuurlijk akkoord no ta ley

Gobierno ta keda referi constantemente na e Bestuurlijk Akkoord di juni 2024. Pero un firma den nomber di ex-prome minister no por reemplasa mandato di pueblo. Bestuurlijk akkoord no ta riba ley! Solamente Parlamento por dicidi si un rijkswet ta hustifica of ta deseo di pueblo of no. Pues niun acuerdo entre Gobiernonan por forsa un Parlamentario vota PRO.

Continuacion di RAft

Na april 2024, RAft a wordo baha for di mesa. Pueblo a hala rosea di tranquilidad

y alegria pasobra un peso pisa di Den Haag a baha for di su lomba. Awor, un año despues, HOFA ta subi riba mesa: un nomber nobo, pero mes esencia, supervision structural di Hulanda riba Aruba su finansa. Metemento pa torno na bo autonomia.

Peligro di HOFA

- Institucional: e ta pasa riba Trias Politica y trata Parlamento manera stempel.
- Politico: e ta limita e libertad di Gobierno di Aruba. Y ta crea un relacion di dependencia riba Den Haag.
- Democrático: pueblo no a wordo scucha y Parlamento a wordo consulta despues cu e a concepto ya a wordo aproba y entrega.

• Huridico: un consensusrijkswet por existi solamente cu aprobacion di Parlamento. Pero awor Parlamento a keda como espectador.

Un rotundo NO

HOFA no ta solamente un cuestion tecnico. Ta un menasa pa nos futuro. Aruba no mester sigui acepta acuerdo cu ta kita rol di Parlamento. “Sin aprobacion di Parlamento, no tin consensusrijkswet. E ‘no’ mester cla.” E ley HOFA no ta un aspecto solamente tecnico. E ta un menasa real riba nos autonomia y un paso bek atras pa nos libertad democratico financiero. Parlamento no por dobla bou di presion di acuerdo entre Gobiernonan. Parlamento no ta atene



su mes na e mandato di Gobierno, sino e mandato di pueblo. Aruba tin di sinti cu tin un Parlamento cu ta defende su autonomia. Nos no por acepta cu via porta patras Hulanda ta tuma grip riba nos finansa y maneho. Nos tin di duna e señal cu solamente atraves di e caminda legal leynan ta wordo aproba sin mas. Parlamento no mester entretene HOFA of puntra kico pa cambia riba dje. E contesta tin di ta cla y raspa: NO!

7 DI SEPT. TABATA DIA MUNDIAL DI AIRE LIMPI

Lamentablemente na Aruba keto bay tin barionan cu ta sufri


Aruba, Sep 8, 2025 – Mientras mundo ayera 7 di september a celebra Dia Internacional di Aire Limpi pa un Shelo Blauw, e habitantenan, di Ser,i Teishi, Mahuma, Parkietenbos, Buena Vista y Simeon Antonio ta biba un realidad hopi distinto. For di mainta te cu atardi, cada dia cu un intensidad diferente, un aire carga di mal holo y contamina ta drenta e barionan for di mainta te cu anochi. Tur cos ta depende for di cua angulo e biento ta supla, pasobra awo ta for di tres angulo, Ser'i Teishi, Barcadera y e Dump e aire malo ta drenta den e barionan.

Den e casnan di e barionan aki, habri bentana mainta kiermen laga e holornan malo aki drenta paden di bo cas. Muchanan hopi biaha ta bay scol cu dolor di cabes. Nos adultonan mayor no por cana den hardin mainta mas of sinta den patio, pasobra e biento cu ta supla ta trece e aire contamina cual ta malo pa nan salud delicado. Pues, nan ta obliga di keda cera

paden di nan cas. Durante anochinan cu e holor ta fuerte, hopi famia ta drumi cu ventiladornan of serbetenan muha na e bentana y portanan pa evita di drumi halando rosea for di e aire contamina aki.

“Ta manera biba atrapa den un prizon invisibel”, un bisiña di Mahuma ta conta. “E muchanan ta tosa henter dia y e mayornan ta sinti cu e aire malo ta kita nan forza” Consecuencianan grave.

E impacto riba e salud den e poblacion di e barionan ta alarmante. Entre e famianan den e barionan tin indicenan hopi halto cu ta wordo registra di cancer, asma, alergianan, enfermedadnan di pulmon y migraine cronico. Muchanan cu nan pulmonnan ta den desaroyo, ta absorba mas contaminacion ora di hala rosea, loke ta haci nan mas vulnerabel pa haya Astma. Adultonan mayor, cu hopi di nan tin condicionnan medico pre-existente, nan ta esunnan cu mas ta sinti



e intensidad di e peso den e aire sushi, cu ta debilita nan curason y nan sistema ora di hala rosea. E sufrimento aki no ta algo nobo. Pa añanan largo, e barionan aki a wordo afecta pa e Dump di Parkietenbos, specialmente ora cu biento bira, pero awendia tin mas fuente di holo malo ta afecta e barionan:

- E Dump di Ser'i Teishi Pariba-panort di e barionan, unda cu ta derando desperdicio apesar di kehonan entrega, e biento di Noord-Oost cu ta supla constantemente ta tuma di e emision di e gasnan cu ta sali di Ser'i Teishi.

- E Centro di e desperdicio na Barcadera, ta manda un holo malo mas concentra pa e barionan Parkietenbos y parti di Simeon Antonio.

- E Dump di Parkietenbos cu actualmente ta cera pero keto bay ta emiti aire y holo malo cu ta bin di decadas di dera desperdicio. Loke pa algun ta un paisahe industrial na Barcadera y Seri' Teishi, ta un condena diario pa e barionan aki, cu tin cu respira un aire cu ta hasi hende malo. Un yamada urgente Stichting Parkietenbos, den representacion di e habitantenan, na luna di maart 2024 a urgi

Gobierno y Oficina di Maneho di Crisis tuma over e situacion pa traha riba un solucion acelera. Te cu awe no a tende nada mas. E ministro di medio ambiente di e tempo ey a negligisha e kehonan di e habitantenan y e fundacion na multiple ocasion. E derecho pa hala rosea di aire limpi ta un derecho Humano Fundamental di hende proclama pa United Nations.

Masha danki pa e publicacion y cooperacion. Aldrich F. Croes Voorzitter
Tel: 594-2400e-mail address: aldrichfcoes@gmail.com

HOMBER CU TAWATA EXHIBI SU MES DETENI DURANTE PARADA CULTURAL

razil - Diadomingo atardi durante e Parada Cultural autoridad lo a wordo di un homber cu lo no tawata comportando su mes.

A bin resulta, cu e homber aki probablemente lo

tawata exhibi su mes no decentement.

Aparentemente e lo tawata exhibi su mes na e publica ariba e ruta.

Agentenan di e unidad

motorisa lo a topa cu e homber y mesora a detene y a pidi transportwagen pa hib'e di e sitio.

E homber aki lo tawata bou influencia.



Parlamentario Shailiny Tromp-Lee:

TA IMPORTANTE PA PONE CLARIDAD RIBA E CUESTION DI E BESTUURLIJK AKKOORD CU GABINETE WEVER-CROES A FIRMA

E impresion cu algun partido di coalicion kier muestra, cu ex-prome minister Evelyn Wever-Croes no a informa Parlamento, ta simplemente incorrecto. Dia 7 di september 2023 ex-prome minister Wever-Croes a bin Parlamento den un reunion publico pa trata e refinanciamiento di e debe di COVID lening cu Parlamento. Durante e reunion aki Parlamento a presenta 4 mocion cu sigur a forma e cuadro dentro di cual Gobierno di Aruba

mester sigui negosha cu Hulanda.

Den mocionnan nr. 3 y 5 cu a keda aproba nos a urgi Gobierno pa sigui negosha y bou ki condicionnan. Den e mocion nr. 4 a instrui Gobierno pa na tur momento salvaguardia nos derechonan democratico y den mocion nr. 7 Parlamento di Aruba a instrui Gobierno pa baha RAft di mesa mirando cu no tin consensus.

Na mei 2024, Gobierno a

bolbe bin den Parlamento, den un encuentro publico (openbare bijeenkomst) pa brinda informacion y transparencia y pa pidi pa gevoelens al respecto.

Tambe ta importante pa compronde cu e Bestuurlijk Akkoord no ta un contrato obligatorio. Den e documento ta para cla cla: si yega na un acuerdo, interes ta baha. Si no tin acuerdo, interes ta subi. Esaki ta muestra cu e acuerdo ta un resultado di negosacion, no un



obligacion final pa Aruba. Contrario na loke ta trata e Consensusrijkswet HOFA.

Por lo tanto, no ta berdad cu Parlamento a keda

poni un banda pa Gabinete Wever-Croes. Lo contrario: Parlamento mes a pone e regla pa negosacion por sigui y bou cua condicion.



CENTRALE BANK VAN ARUBA

BANCO CENTRAL DI ARUBA A MANTENE E RESERVA OBLIGATORIO PA BANCONAN COMERCIAL NA 12,5% ENTRANTE 1 DI JULI 2025

Entrante 1 di juli 2025, Banco Central di Aruba (CBA) a mantene e tasa di reserva obligatorio pa banconan comercial na 12,5%. E decision aki riba e maneho monetario ta mantene e balansanan minimo cu banconan comercial local mester tene na CBA.

Puntonan principal:

1. Incertidumbre mundial economico

E incertidumbre mundial na e momentonan aki por impacta e reservanan di divisa y inflacion, cu por causa desviacionnan for di e proyeccionnan cu ta fungi como e punto di salida ("baseline").

2. Reservanan adecua apesar di crecimiento den credito

Te cu april 2025, reservanan a supera substancialmente e normanan cu CBA ta mantene, apesar di un aumento den credito (+0,8%). Ademá CBA ta anticipa cu e reservanan di divisa lo crece y keda suficientemente adecua.

3. Un inflacion abou

Na april 2025, e inflacion midi na final di luna contra e mesun luna di e aña anterior tabata 0,4%. Riba un promedio anual e inflacion a alcanza 1,3%.

4. Likides excesivo eleva

Aunke likides excesivo di banconan comercial local a baha na mei 2025, e nivel ta keda eleva.

CBA ta monitor indicadornan monetario y economico di cerca y lo ahusta su posicion di maneho monetario pa sostene e tasa fiho di e florin na e dollar Mericano.

Pa mas informacion por manda un email na: communications@cbaruba.org

Banco Central di Aruba
5 di september 2025

DESPUES DI 3 SIMAN INTENSIVO, E HOBENNAN DI SVT A TOPA CU NAN MAYORNAN



Recientemente a tuma luga un encuentro cu mayornan 'oudersdag' di e hobennan di SVT cu ta na Kazerne Savaneta. Akie cursistanan a haya oportunidad di topa bek cu nan famia despues di tres siman largo di entrenamiento.

E hobennan, cu cansancio extremo, mirando e reto grandi cu nan a pasa den mondi y algun cu moral un poco abao y curpa kibra, cu cara den laira a topa cu nan mayornan despues di tres siman. E encuentro aki ta yuda e hobenan subi e moral bek cu den hopi



caso ta bay perdi despues di ta algun tempo pafo di nan comfort zone.

E diferente gruponan (tent kamp) cu cada un, nan propio obstaculonan pa surpasa, a demostra nan lidernan cu nan tin perserverancia y ta determina pa haci un bon trabao. Despues di e prome 3 simannan, un solo persona so a cay afo, cual ta un logro riba su mes.

Despues di topa cu mayornan, e cursistanan por a bay cas pa fin di siman. Ta spera nan bek diadomingo pa asina continua cu e curso/trayecto.

Coordinadora di SVT, Jessica Ras, tambe a indica di ta contento cu e progreso cu a mira te cu awo. Bishita di famia, pareha, mayornan ta importante. A haya chens di mira presentacion di e cursistanan, di tur locual nan a siña te cu awo. Ademá di esey, e team di

SVT di su banda tambe a duna e mayornan tur informacion relaciona cu nan yiunan. Kico a tuma luga caba, locual cu falta y locual cu por expect di e dianan venidero.

Coordinadoa Ras a indica cu mesun importante ta e sosten di e mayornan durante e proceso. Lo indica na cada un kico ta desea/spera di nan parti tambe. Por mira cambio positivo caba den e cursistanan y e mirada orguyoso di tanto e hoben como e mayornan.

“E ta un logro grandi, pa mira cu a logra finalisa e prome trayecto aki”.

E prome tres simannan aki ta esun di mas difici, tin cu custuma cu e sistema militar, cual no ta uno facil. Na comienso a ricibi 25 inscripcion, despues di seleccion a prepara pa cuminsa cu 21 hoben, pero lamentablemente tres di nan a hala atras y despues di tres siman tin 1 hoben cu no a desea di continua.



Parlamentario Rocco Tjon:

TA ORA PA GOBIERNO ASUMI NAN RESPONSABILIDAD

Bestuurlijk akkoord no ta mara Aruba na un Rijkswet

Declaracion di Gerlien Croes y Gobierno riba rijkswet HOFA no ta cuadra cu realidad. No a y no ta existi ningun “acuerdo final” cu Hulanda pa implementa un rijkswet door di Gobierno di Evelyn Wever-Croes.

Loke a wordo firma den juni 2024 ta un bestuurlijk akkoord, un acuerdo politico cu no tin ningun obligacion pa yega na un rijkswet. Ta solamente e intencion pa negocia.

Gerlien Croes su postura

arrogante, accionnan manipulativo y falta di bisa cu ta e kier e rijkswet ta pone pueblo pensa. Si E rijkswet ta bon pa Aruba, dicen Gerlien Croes no ta bisa cu e a logra esaki?

Awor a caso nan lo bay bisa tambe cu ta Evelyn Wever-Croes a keda sin informa Parlamento y entrega esaki na Hulanda riba 13 di augustus 2025?

E bestuurlijk akkoord ta papia palabra cla, e ta brinda e cuadro pa discuti y negocia cu Hulanda. E no



ta mara Aruba na nada. Y sigur e no ta duna Gerlien Croes e autoridad pa entrega un concepto di ley na Hulanda sin informa Parlamento.

Nos tur merece transparencia y no propaganda politico di Gerlien Croes. Nos firma ta nos bos y nos accion concreto contra e rijkswet. Aruba merece politiconan serio cu ta asumi nan responsabilidad y no politiconan cu tenchi largo.

PRE-CAMPEONATO DI SV BRITANNIA DAMAS 2025



Fin di siman mi tabatin e honor di ta e MC di e apertura di futbol di dama “Copa Sharin Gomez/ Tineke Jansen” 2025 den compleho Franklin Bareño na Piedra Plat. Himno di Aruba tabata canta



pa e talentoso Thyara Doornkamp di Magic FM y di SV Britannia. E prome wega tabata entre SV Britannia y SV Estrella. E wega a bira 5 – 1 pa Britannia. For di aki mi ta desea di felicita coach Jean Pierre Fingal y ful

team di SV Britannia cu un bunita apertura y pa e invitacion como e MC. E dos ganadornan di e premio di publico tabata Aiden y Zizi. Ta invita tur fanaticada pa apoya tur team cu lo ta compitiendo e siguiente 3 simannan.



ACTO DI FIRMAMENTO PA LANTA FUNDACION REVITALIZATION BERNHARDSTRAAT

Diasabra merdia, Prome Minister mr. Mike Eman, hunto cu Chris James di Ministerio di Asunto General a bishita Chocolate City Restaurant na San Nicolas pa presencia e acto di firmamento pa lanta Fundacion Revitalization Bernhardstraat.

Durante e acto di firmamento, Sra. Inky Richardson, Sr. John Hasselly Sr. Castello Lispiers a firma oficialmente e akta pa funda e fundacion aki cu tin e tarea pa revitalisa e caya di Bernhardstraat y duna esaki un facelift completo. Intencion di esaki ta pa restaura e casnan den

Bernhardstraat y trece nan bek den nan structura mas original posibel y lo cubri e casnan entre e Watertoren te na e crusada di Lagoweg. Lo restaura e casnan aki den e estilo pittoresque y colornan vibrante di Caribe cu ta representa e calor autentico di e comunidad di San Nicolas.

Prome Minister Eman a indica cu como Gobierno, lo duna empuhe na e fundacion aki pa mira con por pone nan den contacto cu e habitantenan di cada cas y cu sosten di sector priva, lo embeyece e casnan aki. Ademá Gobierno lo revitalisa e infraestructura den e caya, manera e

trottoir y vegetacion den parti di e caya pa haci esaki mas atractivo y contribui asina cu e meta di e fundacion Revitalization Bernhardstraat.

Chris James di Ministerio di Asunto General, a indica cu despues di algun tempo ta bishitando e habitantenan di Bernhardstraat hunto cu Prome Minister, ta sumamente contento cu e fundacion Revitalization Bernhardstraat porfin a bira realidad. Mirando e cantidad enorme di personanan cu ta core den e caya aki pa bay Baby y Rodger's Beach y e area pariba, ta importante pa



duna e caya un facelift y duna cada bishitante un toque di e calor di San Nicolas. E revitalisacion di Bernhardstraat ta apenas e comienzo y den futuro cercano lo expande e trabaonan di revitalisacion pa otro cayanan. San Nicolas tin hopi pa ofrece

y Gabinete AVP-Futuro, lo yuda engrandecer e area aki. Hunto cu e sector di arte, gastronomia autentico, arquitectura vibrante, beachnan bunita y desaroyo tumando luga, lo haci San Nicolas un centro turistico cu un historia profundo.

STUDIANTENAN CARIBENSE A HAYA UN CALUROSO BON BIN NA AMSTERDAM

Den Haag – Na Amsterdam a tuma lugar pa di 14 biaha un encuentro pa e studiantenan di Curaçao, Aruba, Boneiro y St. Maarten cu e aña aki ta bai cuminsa cu un estudio na un Hogeschool of Universidad na Amsterdam. Municipio di Amsterdam ta organisa e encuentro aki pa yama e studiantenan di e parti Caribense di Reino Hulandes bon bini na Amsterdam.

E aña aki pa motibo di renobacionnan den e stadhuis di Amsterdam a ofrece e studiantenan un tour cu boto den e canalnan di Amsterdam cu ta conoci como “grachten”. Durante di e rondvaart e presidente di “dagelijks bestuur centrum” Amélie Strens a yama e studiantenan bon bini na Amsterdam. A papia riba e aspectonan caracteristica di Amsterdam, un ciudad multicultural y cu hopi



historia y cultura. Invitado special tabata e Minister Plenipotenciario di Curaçao Carlson Manuel, un delegacion di Gabinete di Aruba y e studiementor pa Amsterdam Nathaly Deville-Russell.

Nabegando den e “grachten” nan di Amsterdam e studiantenan a haya di tende riba e historia di Amsterdam, con e ciudad a bira rico cu produccion di por ehempel salo y sucu for di e colonianan di Hulanda. Hopi di e casnan monumental ta representa e periodo glorioso di Amsterdam.

Tambe e studiantenan por a haci conoci cu diferente instancianan, manera Hogescholen, Gemeente Amsterdam y organisacionnan di estudiante cu ta di importancia pa e studiantenan.

Nota pa redaccion: E potret ta cortesía di Anne Reinke di Gemeente Amsterdam

Cu miras pa conecta nos cu otro paisnan: WINGO, PREFERÍ BOU DI E LOCAL, CU PLAN PA SIGUI DIVERSIFICA



Wingo a confirma su compromiso cu e mercado di Aruba y ta muestra su gran satisfaccion cu e resultado di su operacionnan riba nos isla. Eduardo Lombana, CEO di Wingo na Colombia y representante di COPA Holding, cual ta e compania doño di Wingo, a sigura cu nan relacion cu Aruba a bira un di nan "proyectonan di mas largo plaso" y ta un "modelo pa sigui" den desaroyo turistico.

E delegacion consistiendo di Minister di Turismo, Labor y Transporte, mr. Wendrick Cicilia, Philippe La Reine Chief of Staff, Ronella Croes CEO di A.T.A., Sanju Luidens-Daryanani CMO, Jordan Schlipken-Croes Director Latino America y Jo-Anne Arends Aviation Business Development Executive di AAA, a bishita tur partner di Aruba, manera aerolineanan, Embahada di Reino Hulandes na Colombia, Departamento di Aviacion Civil y asina



por sigui menciona.

Eduardo Lombana a splica cu nan a traha sistematicamente pa crece nan trafico y cu awo nan ta biahando pa Aruba for di tres ciudad importante di Colombia, esta Bogotá, Medellín y Cali. E meta principal ta pa sigui amplia e conexion aki. A resalta cu Aruba ta un partner consistente y cu un vision cla y a elogia e maneho di turismo di Aruba como un ehempel pa otro destinonan den Caribe. Esaki ta un reconocimiento masha importante, specialmente for di personanan cu tin hopi experiencia cu diferente mercado y partner den e region.

E exito di Wingo no ta basa solamente riba e biaheronan for di Colombia. Segun Lombana, 40% di e trafico di Wingo for di Aruba ta pasaheronan local. Esaki ta indica cu e Rubianonan ta uza e aerolinea pa bishita Colombia, sea pa vakantie

of otro serviccionan. E ehecutivo a indica cu permanentemente ta explora e conexianan pa Aruba pa posibel ampliacion.

Pa loke ta trata e "secreto" tras di e exito di e ruta aki, Lombana ta bisa cu e ta un combinacion di varios factor, manera servicio confiabel y puntual. E aerolinea ta concentra riba un servicio cu e pasahero por tin confiansa aden. Ora referi na personal amabel kiermen bon trato teniendo cuenta cu e pasahero semper ta un prioridad. E tarifanan abou ta e pilar principal di e aerolinea cual ta atrae clientenan.

Lombana a finalisa bisando cu tin mas plan pa futuro cu nan no por revela ainda, pero ta garantiza cu nan relacion cu Oficina di Turismo di Aruba ta "excelente" y cu nan ta masha satisfecho cu e crecimiento binacional cu nan a logra te awo.

Tocante Wingo A funda Aero República S.A., cu ta opera bou di e nomber comercial Wingo, desde 19 di october 2016. E compania ta pertenece na Copa Holdings. El a cuminsa bula pa Aruba na december 2016 como e prome Low-Cost Carrier pa sirbi Aruba for di Colombia. Brindando mercadonan local y di placer tarifa abou, bon ambiente y hopi flexibilidad. Separa di Aruba, ta bon pa bisa cu Wingo ta bula tambe pa ciudadnan Colombiano, manera Armenia, Barranquilla, Bogota, Cali, Cartagena, Medellin, San Andres y Santa Marta. Ta bula vuelonan regular pa Costa Rica, Cuba, Corsou, Republica Dominicana, Ecuador, Guatemala, Mexico, Panama y Peru.

Wingo a cuminsa bula avionnan 737-700 pero algun aña pasa a cambia pa avionnan marca Boeing, modelo 737-800. Nan tin ocho di e avionnan aki, cu ta carga no menos di 189 pasahero.

FONDS PODIUMKUNSTEN (NL) TA NOMBRA MICHAEL LAMPE COMO ADVISEUR PA CARIBE



Oranjestad/Amsterdam, 8 september 2025 – Nos

diplomatico cultural Michael Lampe a wordo nombra como adviseur (op oproepbasis) pa e rijksfonds mas grandi di Hulanda pa arte di tarima (musica, teatro y baile), Fonds voor de Podiumkunsten.

E nombramento ta fortalece representacion di nos voz di Aruba y Caribe y pa habri mas porta pa creadornan di Aruba y di nos region.

Het Fonds Podiumkunsten ta administra e subsidionan mas fundamental pa e sector

creativo pa arte di tarima y tin un papel crucial den desaroyo y futuro di e arte di tarima na Hulanda y den Caribe Hulandes.

Lampe ta traha cu corason y animo pa fortifica e lazonan cultural den Reino y Internacionalmente. E ta conoci tambe bou su number artistico Fellow y Datapanik, y ta conosi pa su forma artistico cu ta conecta identidad, herencia cu musica inovativo y innovacion digital. Alaves, den su rol como diplomatico cultural e ta enfoka riba diplomacia

cultural, diaspora y inovacion creativo y ta creando oportunidadnan nobo pa nos talentonan di Aruba.

“E nombramento aki ta un gran honor, pero mas cu turcos un responsabilidad. Mi lo sigui traha pa sigura cu nos Arubianonan y nos region tin su lugar den e infraestructura creativo y den desishonnan cu ta duna forma na futuro di e arte di tarima den Reino.” segun Lampe.

Pa informacion y petition www.fondspodiumkunsten.nl

BONAIRE, ISLA DI FLAMINGO



Mi prome bishita na e bunita isla ruman aki Tawata na anja 1973 of ta 1974, pa apoya nos

miss teenage den eleccion Miss Teenage Antillas. Den un viahe cu un grupo di teenagers organisa pa Scorpio, Ruben Garcia Awe den felis memoria Un isla trunkil cu hendenan humilde , nada pura of ansha, un isla bunita dorna Cu su beyeza di naturalesa Flamingonan roos para riba Un pia den plas grandi di awa, cu paharitonan bulando den e mondan Despues di basta anja Casa y mama di 2 yiu grandi, a bishita Bonaire atrobe, e biaha ki hunto cu mi casa pa un reunion masonico y a hasi conosi cu varios di su dushi hendenan : Boi Antoine, Shirley Martis, Tica Nicolaas y Ubaldo Anthony. Tambe cu Juffrouw Yooy awe tambe den felis memoria. Un adulto mayor Cu su edad respeta halto cu a stima su cultura y literatura na nos idioma Papiamentu, tur contento Cu hopi amor

pa prohimo Un famia of ta un amigo bisinya a stuur auto y trese Juffrouw Yooy te hotel serca Lady Ruth y nos a combersa di varios topico Un hende muhe elegante y unico, cu un bunita lus Den e ultimo anjanan Bonaire a bira mas druk y mas moderno y tambe mas caro , aunke no asina druk manera Aruba. Lady Ruth su deseo sin duda ta pa bay bishita e dushi isla Bonaire atrobe ,e biaha ki pa e participa y sinti e bunita emocionan y amor den un anochi cu luna yen, y inspira un crenchi atrobe meymey di su dushi hendenan cu amor y pasion grandi pa nan cultura. Ken sa cu un dia su deseo lo wordo realisa Awor ta madre patria Hulanda regularmente e ta bishita, su yuinan y nietonan ta biba y studia ayanan, pero Bonaire cu su Seronan di salo y casitanan di esclavo,

canti laman Su calco y su flamingonan roos ta den su curason Cu gradicimento na Munye Oduber Winklaar, pa a dune informacion di por a conose Boi, Shirley, Tica, Ubaldo y Juffrouw Yooy Na un forma suave, rustig

en mooi, Bonaire zuster eiland van Aruba en Curacao, met de mooiste stranden en de zee zo blauw, wij houden van jou. Duiken en snorkelen Lekker eten en borrelen Ban Boneiro ban cas'un be ! Ruthy" Lady Ruth"



Paga bo cuenta online ta facil

Sea
Abonnement
of Aviso

Pago online,
facil y lihe

Pa hasi pago online pone number y adres na
cuenta di banco RBC Sunmax Printing
account # 7700000100152447

ORO Y PLATA NA CORSOOU PA JINETE Y AMAZONA DI ARUBA



Diadomingo 3 participante di Aruba a competi den "Inter Corsou", competencia di Equitacion juzga pa juez di Republica Dominicana y Colombia. Nos amazona Sheyxienne

Geerman, den su debut na Corsou, a logra medalla di Plata riba e cabay Polvo Robado den categoria di 9 pa 11 anja. Zachary Coffie a gana medalla di Oro den



categoria di 15 pa 17 anja riba ehemplar Suavidad de la Siberia. Caitlin Ras den categoria amazonas 25+ tambe a konkista medalla di Oro riba Polvo Robado. Caitlin a bolbe pista despues di un ausencia cu un bunita presentacion. Organizacion Caballista Arubano ta manda palabra di pabien na nos atletanan y nos ta orguyoso di boso!.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

AMBULANS A BAY CUMANA PA UN HOMBER CU A CAY Y TIN BASTA DOLOR NA SU HEUP Y NO POR MOVE!

Diabierna anochi a drenta informe di cu tin un persona cu lo a cay dilanti un cas na Cumana y tin bastante dolor na su heup y no por move, mesora a dirigi un ambulans na e sitio.

Na yegada di e ambulans a haya e homber benta abao dilanti un cas y tabata keha di dolor na su heup. Ambulans a atende y a transporte pa hospital,



“E aerolinea no ta ofrece conectividad solamente, sino tambe tarifa accesibel pa e publico local”, asina Minister di Turismo, Labor y Transporte, mr. Wendrick

Cicilia, a duna di conoce, despues di a sali di un reunion fructifero cu e ehecutivoan di Wingo, un aerolinea hopi aprecia pa e comunidad Rubiano.

Segun e mandatario, Wingo a reafirma nan compromiso cu Aruba y a expresa nan intencion pa aumenta vuelo for di destinacionnan nobo na Colombia. Actualmente, e aerolinea ta opera vuelo for di Bogota, Medellin y Cali, pero tin un evaluacion pa considera frecuencia adicional for di otro ciudadnan, manera Baranquilla y Bucaramanga. Minister Cicilia mes a haci e peticion aki, den bista di e interes di e comunidad local, specialmente pa e pashentnan cu ta busca cuido medico n'e destinacionnan aki.

Durante e combersacion, a resalta e bon reputacion cu Aruba tin den e industria di aviacion. E minister a splica cu no solamente Wingo, sino tambe otro aerolineanan principal manera Avianca, Latam y Copa Holding (e operador mas grandi den cual Wingo ta forma parti) tin un bon impresion di Aruba y un compromiso firme cu e isla. Cicilia a subraya e importancia di mantene e relacionnan aki, describiendo e aerolineanan como "amigonan di Aruba" cu ta forma parti esencial di e industria turistico.

Turismo ta keda e pilar economico di Aruba y un sector di cual nos ta depende. Pa e motibo aki, e

Minister Wendrick Cicilia:

A PIDI WINGO PA TENE CUENTA TAMBE CU E PASHENTNAN DI ARUBA

ta considera conservacion di e relacionnan cu socionan clave manera Wingo como un prioridad. Adicionalmente, el a referi na e vision nobo pa turismo di Aruba, cual ta enfoca riba e crecimiento di turismo afluente. E ta convenci cu Latino America



tin e potencial pa yuda realisa e obhetivonan strategico aki.

Gradicimento y Invitacion

Pa medio di esaki famia kier a gradici tur esnan cu na un manera of otro a duna nos sosten, consuelo y forsa durante e tempo dificil cu e fayecimento y entierro di nos defunto stima:



ZELDA MIRIAM STEENEN

Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico. Tambe na Aurora Funeral Home pa cu su bon servicio y atencion.

Boso muestra di atenshon tabata un gran consuelo pa nos. Na mes momento nos ta invita famia, bisiña-, amigo- y conocirnan pa compana nos na 3 Santo Sacrificio di Misa Birgen di Fátima, Dakota dia:

Diabierna 12 di september 2025 pa 7or pm
Diadomingo 14 di september 2025 pa 6or pm
Boso presencia ta altamente aprecia.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com

Resultado: Sorteo di Merdia - September 08, 2025

 Sorteo # 4736 8848 8096 7767 X3 4 Sorteo # 4736 3335 X FP DFF Sorteo # 2792 5289 ZODIAC Sorteo # 4736 0717 Capricornio Lucky 3 Sorteo # 1610 981 X FP	<table><tr><td> Sorteo # 0 x Jackpot 0 x Match 4+ 0 x Match 4 0 x Afl. 12,00 </td><td> Joker Letter Proximo Jackpot 625.000,- </td></tr><tr><td> Sorteo # 0 x Jackpot 0 x Match 4 0 x Afl. 8,00 </td><td> Proximo Jackpot 50.000,- </td></tr><tr><td> Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 </td><td> Mega Ball Proximo Jackpot 1.125.000,- </td></tr><tr><td> Afl. 1.725.000,- </td><td></td></tr><tr><td> Sorteo # </td><td></td></tr></table>	 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 625.000,-	 Sorteo # 0 x Jackpot 0 x Match 4 0 x Afl. 8,00	Proximo Jackpot 50.000,-	 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 1.125.000,-	 Afl. 1.725.000,-		 Sorteo #	
 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 625.000,-										
 Sorteo # 0 x Jackpot 0 x Match 4 0 x Afl. 8,00	Proximo Jackpot 50.000,-										
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 1.125.000,-										
 Afl. 1.725.000,-											
 Sorteo #											

Reunion informativo di comision 11 na miembronan di SEPPA/CAPA

Miembronan di comision 11 ta invita miembronan di SEPPA/CAPA na un reunion informativo ariba e ultimo desaroyonan, specialmente pa loke ta e casonan den corte y otro acontecimentonan relaciona cu SEPPA y CAPA.

E reunion ta tuma lugar:

Dia: diamars 9 september 2025.

Ora: 19.30 pa 21.00.

Lugar: Club Don Bosco. Den cura di Misa Santa Ana na Noord.

E reunion ta hopi importante pa miembronan di SEPPA y CAPA ta bon informa.

Historia breve con comision 11 a cuminsa y despues a sigui desaroya. Na April 2024, despues cu nos a ricibi informacion di un ladroncia den e cooperativa CAPA di F 382.000,=, placa di miembronan di CAPA y cual ladroncia a sosode durante 9 luna, di januari pa september 2022. Den e reunionnan general di 2023 y 2024, miembronan no a ricibi suficiente informacion den detaye con e robo a sosode.

Comision 11 a lanta pa busca informacion ariba e robo. Nos a hiba un politica pa busca compromiso cu Directiva di CAPA, pasobra nos ta miembronan di CAPA, dor di manda varios cartanan pa ricibi informacion, pero semper e contestanan tabata negativo. Nos a pidi y ta dispuesto pa paga e registro di acuerdo cu e statutonan di CAPA. Segun e hefe di administracion di CAPA, sr Tromp kende a bisa nos cu Tesorero Brito no kier pa nos ricibi e registro. Nos por a wak un lista di computer so, pero nada di ricibi copia, cual ta para den statutonan di CAPA. Na juni 2024 nos a pidi Directiva di CAPA un reunion ariba varios asuntonan, pero como miembro di CAPA nos no a ricibi ni un contesta di directiva. Pues directiva a hiba un politica pa confronta comision 11. E posicion di directiva CAPA pa no ricibi comision 11 a culmina cu comision 11 a dicidi di bay corte pa eo ricibi e registro di miembronan, esaki di acuerdo cu statutonan.

Nos a gana e caso.

Nos tin tur tempo pa warda y ricibi e registro di miembronan.

Despues di a gana e caso, nos a pidi e registro serca directiva di CAPA, di acuerdo cu e veredicto, pero nos no a ricibi nada. E hurista di CAPA/SEPPA sr. Duijneveldt a manda comision 11 un carta cu directiva di CAPA ta apela e veredicto di Juez. Ora nos Analisa e situacion pa tur hende por comprende:

1. Dunamento di e registro na miembro cu paga, ta para den e statutonan di CAPA;
2. E ta scirbi den e ley cu ta regarda e funcionamiento di Cooperativanan cu directiva di un Cooperativa mester duna e registro na miembronan cu paga;
3. Un Juez a duna un veredicto cu directiva di CAPA mester duna comision 11 e registro di miembronan. Directiva di CAPA ta keda para ariba un NO. E registro ta importante pa nos por yega na 20% di miembronan, kendenan ta firma un peticion na directiva di CAPA pa obligatoriamente yama un reunion pa nos ricibi informacionnan adicional ariba e Robo di F 382.000,=, placa di miembronan. Kico directiva di CAPA ta bay busca den un caso di apelacion, si lesa e 3 puntonan prome menciona?

Te cu 12 di augustus 2025 (6 siman) nan tabatin e oportunidad pa apela e veredicto. Nos a ricibi info for di Griffie na Corte cu directiva CAPA no a apela e caso. E carta di Duijneveldt ta muestra otro wega pa tarda cos. Nos a paga e F50,= caba, pa nos ricibi oficialmente e confirmacion cu CAPA no a apela e caso. Nos ta wardando trankilamente. Nos a purba di haya un compromiso cu Directiva, envano, perdiendo hopi tempo. Nos a bringa mas cu un año den corte pa gana e caso. Nos tin tur tempo, "Time is on our Side", yes it is!! Comision 11 simpelmente ta busca claridad ariba e ladroncia di F 382.000,=. Nos peticion na directiva di CAPA pa e registro di miembronan keto bay, ta ariba nan mesa.

Situacion den SEPPA. Informacionnan cu nos a ricibi for di e diferente casonan den corte ta muestra cu e situacion den SEPPA tambe no ta cos di GABA. SEPPA

tin su statutonan y Reglamentonan Interno, cual ta e constitucion di SEPPA, pero e maneho hiba dor di e Comité Ehecutivo na cabes e Secretario General Brito, hopi biaha no tabata cumpli cu e constitucion di SEPPA. Mas bien e maneho ta yena cu violacionnan fragante di e constitucion di SEPPA.

Despues di e eleccion ariba e ultimo dia di e congreso anual di 2013, teni na April 2014, no tabatin eleccionnan mas den SEPPA. Statutonan di SEPPA ta bisa cu eleccion mester tuma lugar ariba e ultimo dia di e congreso anual di SEPPA.

Durante 2014 e presidente eligi den e congreso anual di 2013 a tuma su retiro y 4 miembro a keda. Reglamento Interno ta bisa den articulon 37 y 39 cu e directiva mester consisti di minimal 5 miembro. Pues for di final di 2014 no tabatin directiva mas, tampoco eleccion.

Violacionnan di constitucion di SEPPA a causa falta di e controlnan necesario.

Pues cada año, durante 11 pa 12 año, nos a haya un situacion di asina tanto violacionnan di Statutonnan, articulo

19, lid 4 y lid 5.

- No tabatin control ariba e maneho di e Comité Ehecutivo den SEPPA;

- No tabatin control ariba Checks and Balance di SEPPA;

- No a duna decharge na e Secretario General y Tesorero

Si nos conta aserca cada año (11 año) cu no tabatin eleccion pa directiva, aserca pa Secretario General, e violacionnan a totalisa na mas di 40.

E situacion aki no por sigui, pa e motibo aki tin un caso den corte contra e Secretario General Brito, cual persona como lider maximo di SEPPA mester a guia SEPPA correctamente, sin violacionnan di e Constitucion di SEPPA. Nos mester para e desaroyo malo aki, pa cosnan no ripiti manera a pasa den un otro sindicato, TOPA, cual a keda 15 año sin tene eleccion, cu e consecucionan negativo.

Nos ta conta cu presencia di miembronan di SEPPA/CAPA, na e reunion importante aki.

Comision 11
6 sept 2025

Clasificados










SOLODIPUEBLO@GMAIL.COM

CEL. 585 9500



REMEDI NOBO POR TA E SOLUCION PA COMBATI HIV

Un grupo di briyante científico a desaroya un anticurpa nobo cu a demostra di a caba cu casi tur e cepanan di HIV, previniendo e infeccion.

E aporte nobo aki na remedi tradicional, ta representa sin duda, un speransa pa tur e sernan humano cu ta padece di e patologia aki rond mundo.

E anticurpa aki a wordo purba riba 24 macaco, na kendenan a suministra e remedi nobo. Ningun di e mamiferonan a desaroya HIV una bes cu a inyecta e anticurpa.

Un gran cantidad di pashent a desaroya naturalente poderoso anticurpa yama "anticurpanan ampliamente neutralisante," esakinan a motiva creacion di e mas reciente remedi contra HIV, den cual ta contene un combinacion di 3 di e anticurpanan aki, loke a resulta di ta un arma super poderoso ora di defende e organismo di e avance of inicio di HIV.

Investigadornan a purba na sintetisa dicho anticurpanan mediante ingenieria genetico, pa asina por yuda e pashent.

E aporte medico a wordo publica den e revista Science y ta e resultado di un colaboracion entre US National Institutes of Health y e farmaceutico Sanofi.

Ta spera cu e remedi nobo aki por tin e resultadonan concreto mas pronto posibel.



SOPI DI LETRANAN

SUDOKU

B	P	A	N	T	E	R	A	U	E	O	Y	I	S	J	R
Q	M	I	U	P	C	U	Y	O	I	Y	E	R	R	D	A
B	O	U	X	Y	A	E	W	F	E	L	K	B	I	D	T
Y	N	T	O	I	N	M	G	J	E	P	U	D	U	Z	Ó
Y	O	I	T	I	G	R	E	Y	R	Z	N	A	B	P	N
A	B	E	J	A	U	O	U	Z	R	E	Y	B	S	S	Q
R	N	K	P	T	R	B	I	O	U	B	F	J	A	A	G
C	I	E	E	D	O	F	I	U	A	R	K	L	E	Ó	N
J	B	E	R	D	Z	S	Z	U	G	A	U	Y	D	O	N
U	A	C	R	E	A	K	Y	A	U	D	V	C	E	T	A
V	F	A	O	S	U	F	Y	V	G	C	J	H	L	I	Y
X	G	S	G	A	T	O	H	E	I	U	T	Y	F	W	T
J	P	E	R	I	C	O	Q	E	J	E	E	S	Í	P	V
I	G	U	A	L	A	V	D	C	Y	A	T	G	N	Q	Y
C	U	E	R	V	O	L	O	Y	B	B	I	B	P	S	C
U	X	C	O	C	O	D	R	I	L	O	P	Y	T	S	A

igualá
cuervo
perro
cocodrilo
delfín

león
pantera
gato
perico
mono

ratón
abeja
zebra
tigre
canguro

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

			8		1			
						4	3	
5								
				7		8		
						1		
	2			3				
6							7	5
		3	4					
			2			6		



Oracion di dia

Un feliz dia yena di hopi fe y speransa den nos bon Dios

”...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. ”...pa nan tambe confia denSEÑOR, no lubida Dios su obranan grandi...”(Sal 78, 7)
Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di
Bo Maraviya.
Y inspira nan pa nan sigui conta na e siguiente generacion.
Amen.

Clasificados



SOLODIPUEBLO@GMAIL.COM
CEL. 585 9500

SOLO Di Pueblo

Bob's Car-wash & Service
Balashi 9 B



Cell.# 560-8568
1 Snack Free

5 TIPS PA DOÑONAN DI MASCOTA DURANTE MAL TEMPO



1. Tira un "hurricane safety plan" pa bo familia. Na prepara y inclui bo mascotas den dje. Kisa: nunca bo lo haci uso di dje pero "better be safe than sorry". Didi e accion di a accionnan pa un "worst case scenario" y pensa pa por eheda a plan al na cualquier momento teniendo cuenta cu tur cos cu bo haci lo mejor ta facil y accesible pa por venta pa 2: aman, pa:
2. Pensa pa bo mascota tin un caminda pa acorda pa su.
3. Pensa pa bo mascota tin un caminda cu e por oirto algun si e hayo otro di tempo cu otro.
4. Pensa pa bo mascota se vacunanan ta up to date pa nan ta bon proteta contra maleanan infelicio cu por surgi especialmente ora awa yobá hopi.
5. Pensa pa bo mascota tin un microchip. Dinda un banchi cu su datonan por yuda pero an caso e mascota perde e banchi aki, por trata e info bek via e microchip, contá cu bo info ta up to date.

- Awa, cuminda, algo pa pone awa y cuminda den dje
- Cualquier remedi cu e mascota ta standard riba dje incluyendo su tratamiento contra carpa, pulga y karuom (check fecha di expiration)
- Un pet carrier
- Un katebek cu su velling
- Saco di plastic pa pone nan cosh aden
- Extra leash
- Un bag hunga
- Buki di vacuna
- Skiena un potret di bo mascota

I ♥ PET

Shima Mi Mascota

FORTALEZA PA FAMILIA

Scirbi pa Pastor Marcel Balootje.

MAYOR BO TA DUNANDO BON EHEMPEL NA BO YUI ?

Un mucha ta lanta y mira tur locual su mayor ta haci y riba esey e ta forma base pa su bida, pasobra su mayor ta esun cu ta mas serca di dje, esun cu ta mas pega cune, cual ta facil pa e copia.

Si e mayor ta haciendo locual ta corecto, e mucha tambe ta haci locual ta corecto, pero si e mayor ta haci cosnan incorreto e mucha tambe lo lanta ta haci cosnan incorreto.

E asunto aki ta asina facil cu tur hende mester comoronde.

Un fenomeno cu nos tin ta hopi biaha ta cu mucha ta duna lus na mucha, cual ta un situacion cu un hoben ta sali na estado, mientras e mes no a madura ainda, y no tin suficiente experiencia di bida, ni tampoco a ricibi suficiente educacion serca su mayornan, e ora ey ta bira dificil pa e duna algo na su yiu, cu e mes no a ricibi.

Nos tin para keto un rato, y wak bon den cual direccion nos ta dirigi nos yuinan, cual ehempel ta wordo duna, y especialmente, cual unfluencia ta drentando bida di nos yuinan.

Pesey nos tin di tene cuenta, si nos ta dunando bon ehempel, disiplina, coreccion, pa asina e mucha por bira un bon ciudadano mayan cu Dios kier.

Den tempo cu nos ta bibando awor aki, esey no

ta facil, hasta muchanan cu ta lanta den cas cu tur dos nan mayornan, mester di mas atencion, pasobra e tempo ta trabahoso.

E falta di respet cu ta reinando, edesobediencia cu ta creciendo, e aumento di inmoralidad, violencia, impuresa, y criminalidad, ta muestra cu como mayor extra atencion mester wordo poni riba comportacion di nos yuinan.

E conducta di un mucha, ta demostra for di cual cas e ta bini, pasobra educacion ta cuminsa na cas, si na cas cos no ta bon, ningun otro caminda cos no ta ta bon.

Tur mayor tin un encargo di Dios pa lanta nan yuinan (Efesonan 6:4). Cual mester wordo cumpli cune pa evita tur clase di problema pa e mayor mes, y pa e comunidad.

Mayor no por djis habri man laga bay y bisa mi no por mas cune, e no ta tende, e ta haci manera e kier, no esey no ta posibel, aunke e ta pasando cu frecuencia, pasobra ora e tabata chikito e a wordo instrui den e palabra di Dios, pa asina por lanta cu un disiplina corecto.

E asunto di lanta yiu den e bon caminda a bay hopi for di man, parce cu hopi mayor ta kere cu tur locual ta digital ta parti di educacion di nan yiu,

y mas cos digital e mucha tin mihor e ta wordo educa.

Pero hopi ta lubida riba e amor di mayor, cu no por wordo reemplaza cu nada, amor di mayor ta keda amor di mayor, e tempo di mayor inverti na chikito, lo keda semper demostra den bida di e mucha.

Placa, bistimento, joyas, no ta educacion, pasobra si no tin bon educacion, no tin balor di bida, y esey ta algo cu hopi hoben no tin awendia, locual ta balor di bida, locual ta decensia, respet pa nan mes y pa otronan.

Un hende husto ta cana den su integridad, ki bendiciona su yuinan ta despues di dje. (Proverbionan 20:7).

Ta depende con mayor ta lanta su yiu, y con su yiu lo comporta, no tuma esaki como un critica, pero tume como un aviso, pasobra e ta simplemente berdad.

Sinceramente, Pastor Marcel Balootje.

